

RUSCHEIN

Nossa stizun dil vitg

Igl onn 1946 ei vegnida fundada a Ruschein ina societad per in «consum». Avon ed era aunc plirs decennis suenter quei temps ha ei dau, abstrahau dil consum, aunc differentas stizuns pli pintgas el vitg. Quellas ein svanidas. «Il consum», nossa stizun dil vitg, exista aunc oz. Ch'ella duei exister vinavon ei il giavisch da biars. Quei giavisch va secapescha mo en vigur, sche habitontas e habitonts ed era hosps da vacanzas ein cunsicients dalla valeta e dall'impurtonza dalla stizun e van era regularmeins a far cumpras leu.

Ei dat dad Oscar Wilde (1854–1900) igl aforissem: «Oz enconuschan ins da tut il prezi, mo da nuot la valeta». Alla sera «Da cuminonza» dat ei buc ina debatta filosofica davart prezis e valetas el temps dad oz. Persuenter vegn informau tgei ch'ei niev ella stizun dil vitg a Ruschein. Ils davos meins ha ei per exempel dau regals da frestgentera pli gronds, l'offerta da products regiunals ei carschida ed il cantun per beiber caffè ei vegnius embellius.

Ils quater hosps dalla sera dattan in'egliada davos las culissas ed els raquentan pertgei ch'els s'engaschan per la stizun dil vitg. *Marco Cavegn* ei president dalla Cooperativa Stizun Ruschein, *Maya Camenisch* meina la stizun dil vitg, *Esther Cadruvi* ei collaboratura dalla stizun ed *Ignaz Lombris* ei actuar dalla cooperativa. L'entrada ei gratuita e beinvegnidas ein sco adina era persunas d'ordeifer.

Maria Cadruvi

«Da cuminonza» Nossa stizun dil vitg. Venderdis, ils 3 d'october 2025, 20:15, Ruschein, Casa da scola Crestas, stanza 11. Dapli sin www.dacuminonza.ch



La stizun dil vitg a Ruschein.

FOTO MARIA CADRUVI